

歸

愚

詩

鈔

歸愚詩鈔卷三

長洲沈德潛礪士

四言古詩

神龍篇

神龍失淵不如儵魚鴻鵠銛翻不如鷖鷁瑾瑜不
售不如珉璆聖哲不用不如庸愚周公居攝管蔡
謗之展禽直道三黜士師顏淵拾塵迹涉嫌疑讒
毀之來孰知是非

擬逸民詩

香餌雖美蛟龍深藏爵羅雖巧鸞鳳高翔爵祿雖

貴巢許徜徉修身潔行千載垂光

三賢詩

睢州湯尚書潛菴公

嵩高間氣篤生真儒烈婦之子

公母趙罵流寇被難徵君名孫

鍾之徒管樂素卑伊顏是趨大本既立事功有餘

臺閣重臣奉

命撫吳惟德物感惟誠衆孚有鬼淫昏害逾妖狐

漁色漁利憑藉師巫公䟽除之民以不痛

吳有五通神為

妖公䟽告除其害

返樸還淳潤涸壙枯入為宮傳預教勤

幼宵人嫉忌飛語謗誣共執退公肆張量寧公但

引憇坦坦舒舒

聖主素諒

恩禮如初溘焉霜露朝野悲吁昔公初政贊兵轉
儲吉虔有寇狂狡吞屠妙算雄畧剪除猘貍立德
既卓論功匪迂擬諸文成方駕同驅易名廟食有
待

聖謨

蔚州魏尚書環極公

史魚如矢汲黯慤直朝有正人國是整飭維蔚州
公矜持標格霜潭清嚴冰崖削方諫垣封駁肯避

譴謫時當居憂林廬偃息鱗鯉軒舞狐狸跳擲

詔起田間副相是職用汝領袖資汝彈劾盡相窮

形疏列鬼蜮

公劾程汝璞劉源諸人

崇山放棄兩觀誅殛鉅

慙無援剪其羽翼申榜朝堂臺臣斂跡

有申飭巡城巡鹽諸

御史

榜文畿輔巡行遠近傳檄

公以都御史巡行畿輔

飯飽魚羹

裘披素絨既被清風亦欽儉德遷階司寇藉詰姦

慝幡然乞身課耕勸穡哲人既往勁節可式胡今

在廷脂韋圓石披讀公傳廩廩體魄勿讓前良須

看如戟

當湖陸侍御稼書公

聖人之道明於宋賢朱子繼承如日中天金谿高明較直捷焉縣延不已流而近禪公起當湖信道能篤步趨紫陽世遠私湫理析毫芒謹幾慎獨內養充完出匪干祿試烹小鮮政成劇縣拂大吏心謂此風漢以廉為矯以勤為慢蕭然去官幾罹陞岸民失慈母奔走號呼

天高聽卑慰爾烝徒因廷臣薦起之於家叶立朝嶽嶽期復唐虞整肅紀綱惟言官責誠意正心平日用力前席入告輔養

聖德當宁改容同官失色凡茲剴直學培本根正

氣浩然勇過孟賁遺書誦讀星宿崑崙斯人言行
千載常存

泰玄神廟 在泰山

惟泰玄神羣靈之主肅肅穆穆列曹分部珪珽冠
冕朝于帝所行人瞻拜進俯退俯上方清明下界
雷雨拍點青煙中分齊魯

題查敬誠相國西征圖

相國查公出示西征圖此公奉

命為寧遠大將軍總六師受

廟謨破賊於古吉兒和碩齊作圖以紀蕩平也於

時醜類駭怖邊庭貼服永永年代無敢有
違越聲教者績既成晉公文華殿大學士
紀年雍正癸丑作畫者軍諮祭酒郭朝祚
公命潛題詠乃作詩曰

先皇在阼歲在癸丑萬方內朝中執樞紐陸警水
慄羣效奔走維爾西戎其凶胥慍狼貪豕突擾我
邊疆脅誘黨與叫號撞搪

先皇赫怒矢安荒徼蠢茲雜種洪爐燎毛誰統六
軍慎簡臣僚咨爾老臣能文能武為大將軍生殺
在汝宜剿而勦宜拊而拊登壇秉鉞大申

天討十萬貔貅眎我旗纛成算在密決機於阜元
戎自天飛度蔥嶺龍虎鸛鷺變化俄頃軍聲殺人
震懾狙獷前軍遇賊攻殺合圍中權握鈐羽扇頻
揮浩如驅海猛如奔雷鼙鼓襲虎螳螂當車敢逞
毒螫顙全頭顱駭魄喪胆投干棄父索索獻俘折
馘斬級驚鳥斯籠竄獸斯繫積甲山齊丐命而泣
鋤誅元惡肆赦脅從而能草心許而朝貢布揚
皇仁覺而惛夢爰草露布上達

九重

先皇曰咨惟汝之功晉階相位用獎公忠爵以酬

庸威以靖遠重舌貫胸毋敢挺擱相公忘勞夙夜
黽勉軍諮祭酒從軍往日山川戰陣點筆紀實豆
人寸馬精神欲出邊氛湔焉

廟謨宣焉忠孝全焉畫圖傳焉貽諸子孫永千年
焉

題塞曉亭閣學翰林院侍宴恩榮圖

歲在甲子月維陽月翰院落成

天章高揭

有稽古論思集
賢清秘二額

六龍臨幸千官分列乃降

鸞輿乃謁

先師乃升

御座乃飭禮儀大樂合作

錫宴廷墀分韻詠歌

君倡臣續三十八人同工異曲徧及辭臣柏梁聯
屬在列諸臣惟中秘選不由翰林不與斯譙冰銜
清寒人共欣羨爰有

天潢夙擅才華鸞龍競奮包羅諸家

帝曰爾能實惟寵嘉

命綴清班同賡咸饒金枝玉葉來登蓬瀛秬侯博
陸難與比榮貞觀房杜景龍沈宋不聞宗臣廟于

法從公也兼之親賢交重作圖繪景述事紀

恩繪景伊何

飛龍鳳麟紀

恩伊何睦族右文在昔太白內廷賦詩亦越東坡
金蓮送歸公與瓊筵鳳池在茲藝林流傳千秋揚
詞文興道隆兼篤宗譜擬杼清辭媿非吉甫

奉

敕恭題

御書無逸篇後

惟天行健惟聖同符公旦誥王無逸成書宋璟箴

歸愚詩鈔卷三

不

君無逸繪圖我

皇鑒觀書於尺幅敬德所關惟日不足表裏幽風

警心觸目一章

王敬作所所其無逸彌縫罅漏功期密勿食息動
靜協於克一我

皇書之日夕乾乾維鳥在林維魚在淵久而安安
毋或離焉二章

周家開基實惟后稷食為民天土爰稼穡知民之
依無忝厥辟我

皇書之首重艱食身居

法宮心周疆場為民祈年時萬時億

三章

有殷三宗勤勞斯壽血氣循軌精神固守享祚綿
遠得天獨厚我

皇書之主敬自強主敬毋怠自強毋荒善氣稟迎

萬壽無疆

四章

太王王季抑畏敬天文王勤民懷保惠鮮累世咸
和扶植顛連我

皇書之篤念

前德天作高山發祥長白配命作求永永無數

章

知小人依貴於允蹈知而不知民病曷療三宗文
王黽勉克劬我

皇書之自期迪哲經畫區畫矩無弗絜先後同揆
商周比烈

六章

更端惟七冠以嗚呼意在言先慮深遠乎咨嗟作
訓詠歎陳謨我

皇書之等於嘒吁彼在廷者慎勿獻諛誰規守成
據蓋効愚

七章

責難事君亶心為政無逸一篇始終祇敬惟茲承
天惟茲凝命我

皇書之援古勵今代金鏡錄當大寶箴其監于茲
一哉

皇心 八章

雷銀臺翠庭屬題蘭澤齋

蘭為國香品居最貴空谷自芳蘅荃同類尼父調
琴瑟臣結佩培厥本原滋榮無既粵慎菴公在昔
先民秉心潔白履行溫純性愛薝蘭比君子人清
浥心腑靜遠荆榛黃磁淺窄分藝兩盎護如嬰兒
以養以長天和並霑風微露沆共臭同心玄言相
賞迄今兩世逾三十年蟠根彌固受氣彌全抽莖

敷花倍於從前揚揚猗猗清香代傳清香代傳取
以名齋田氏之荆弟兄和諧王氏之棟後躋鼎台
元氣不傷天休自來平泉草木竟何有哉孫枝翠
鹿繩武裕後理析毫釐學開蒙蔀榮匪科名貴匪
組綬樹蕙滋蘭匪畹匪畝封泥於斗沃水於盆香
雪盈室祖澤斯存范硯魏笏與蘭並論德馨遠聞
閨中清門

題大司寇冲和公奉使圖

東服朝鮮實箕子國繫桑禮樂別於蠻貊自周至
今馴擾供職中朝遣使綏此疆域雍正三年歲在

乙巳

詔使冊封金書玉璽委任辭臣布

德宣

旨出山海關沿鴨綠水布

德惟何惠爾震方宣

旨惟何叙爾典常代傳爾土朝貢相望國王稽拜
天威肅將戴

皇朝德聯主賓誼布席設樂魚龍嬉戲男婦耆童
來觀

天使雜沓歡呼齊聲

萬歲使臣有暇徧覽提封街衢平直嵐嶺玲瓏
木各殊耕作從同井疆遺澤猶留古風箕子開國
力行井田
今遺址尚存成禮而還四夷輝映士能通經邦國之慶
大儒將事始終一敬拜揚

帝廷不辱

君命廼命畫師設色成績廼抒永言傾吐珠琲披
卷散帙

皇化斯在奉使屢經準此行邁

後三使
朝鮮

初任翰苑

今握中樞垂三十年强健如初富鄭文潞同此遠
謨安內靖外永贊

唐虞

題明孝廉包驚幾遺像

在昔先民僧帽儒服寤寐不忘在指南錄時丁陽

九孝廉晦跡逋逃空門名山寨客誰為精衛填海

身亡笑祠彭越不畏提湯收吳焉歸老煙雲終身

株檠采薇芼薇餐雪噉葛慕歸髮叟長慟西臺英

魂茫茫招之使來有同年友澗上考槃踰垣閉門

遠颺羽翰徐孝廉材隱居澗上湯文正撫吳高隱

枯禪心同地異先後云殂浩然無媿今瞻遺挂是

儒是僧寒氣滿堂六月凝冰後賢世守勿替清風

與鸞鳳遊常瞻冥鴻

潘旬村觀梅小照歐公詠雪用白戰體後東坡仿之茲仍其體寫

梅不用故實不著形容前此所未有也

清瘦高寒性稟無始回天地春興臺凡卉伊人契
合譬乳入水閒來小園悠然曳蹠心醉目成笑而
相視不知所樂其樂胡底幾生修到惟我與爾誰
知我心膝前穉子圖有磐石留連溪橋倚徙日晚
忘還閑雲歸矣

冬日喬慕韓自白田至感舊言懷出示近
詩并劄錄說詩二卷未遠風騷欣焉成詠

水雪川原時當飲蜡故友相思千里命駕為認容
顏不驚衰謝胸次峻嶒中蟠嵩華狎主敦盤高談
王霸起予衰頽壯心暫借共寫離懷秉燭良夜
詩道波流滔滔何底雕斲喪真綺靡垂體不圖今
日復聞正始味無味覈其味無已詣臻古淡超然
塵滓嗜者誰人箏篴悅耳海上琴聲成連邈矣
詩家品矣始於鍾嶸表聖承之續者儀卿餘子紛
紜岐說爭鳴誰別白黑劒溪平衡叩虛返寂取神
離形引弓不發躍如以呈中正清冷騷雅門庭為
語後來問途已經

頌韓文懿公

末學穉齡識公姓字謂天上人下土翹跂既讀公
文日星鳳麟恠竒瑰麗一歸大醇龍門峻絕敢望
登堂公赴

內召左右雲房並世而生未識公面繡裳衮衣想
像公旦哲人云亡文府漸蕪蛇神土伯跳踉叫呼
欲起衰靡惟昌黎公

錫以尊名來自

九重按厥歲年已符四紀久而重光公實不以公
實不死勸勉來學宗經砥躬毋自菲薄末學素心

慰於今茲聊攄小言揭於公祠

八十述懷

雪滿天地有客叩門負戴素交挈榼携尊壽我八十禮意慇懃謂我久客十年京塵面目未改依然天真觴酌勸我情同飲醇酒半賦詩高歌有神四座溫溫寒月生春

早年失恃中年失怙無父母兒心摧腸腐終鮮弟兄眾踽踽晚歲喪妻子身撐拄中懷欲白向誰告語形影周旋惟我與我叶賴古聖賢晤對居處身在中吳心遊東魯

白首致身遭

唐虞帝謂臣不欺超遷卿貳褒封四葉

天章屢貢十載

賜閑授祿銜泌自慙衰年報稱無地永矢庶隅晚
節益勵擊壤歌衢泳游

聖世

飛光逐人鳥過電掃童心嬉嬉問年耄老學道無
成著書難了厚實何須榮名匪寶唯有寸心守拙
辭巧巧拙兩忘棲神渾灝笑彼仙遊茫茫蓬島
鳥思故林魚思故淵自別封溪十有五年蘿屋荒

墮鼠雀互穿父祖世守神明在焉童時釣遊夢寐
縈牽今母難日中懷悃悃願言蓋節仍來息肩歸
老於斯悠然樂天

輓覺羅孝娥

娥係大宗伯子凡公女大中丞樗亭妹少
為乳媪墮地傷成疾長不字孝事二人讀
書窮理成素言一冊皆倫常切要語與名
儒語錄相表裏也年二十八沒樗亭屬作
墓碣并系以詩

日下之英天潢之派宗伯之女中丞之妹少歲穎

島嶼書金卷三
悟勵志向學循金引繆一宗先覺切而女誠微而
心性廣而治平歸於誠敬亦成韻語蘊道乃哦琴
德養心粹然中和侍嚴親側垂二十年依事母
鈴閣承歡嬰疾無為求道斯果襁褓受傷天玉成
我班昭補史宣文授經泳游理融此獨精能是為
女士是為男子人亡書存死而不朽表茲清懿以
作女箴敦彛窮理共矢此心

逸園圖三章

慕逸園名久癸酉春往遊主人迎客坐高
臺眺花林酌清酒至晚始別後屬題畫卷

因述前事并及為園之由見予之重主人
不獨以園之佳也

太湖之濱潭山之側孝子廬墓依親體魄孝子之
子樂志邱樊日月既久葺而成園因山為壁引泉
為池古木為門繁花為籬舉世勞勞斯人獨逸眠
雲葆真何有纓紱課奴種樹呼兒讀書此外無求
其樂何如

梅林承足高高平臺主客共登攀蘿陟階俯窺寒
林晴雪千堆忽連忽斷閑雲往來遙接湖光迷漫
無涯主人留客兩忘形骸茗彼山蔬酌以清醅談

諧世外超然塵埃清風送香花片入杯醉心忘還
夕陽緩催

黃癡倪懶會而成圖筆分理合詎論形模此卷亦
然或蒼或腴南宗正傳歸於王家叶大阮存素名
小阮日初名樓閣煙雲水天竹樹虛白無痕還青
欲露指點高世舊經行處一回披攬一回神遇時
涉名園無煩杖屨

乾隆

聖德詩

謹序

唐韓愈元和聖德詩頌憲宗討劉闢功也

闢故姦猖然集天兵討之一旦剪屠視挽
回天災校分難易乾隆癸酉秋霖霖暴漲
黃河奔流前後衝決淮徐隄防人民蕩析
千里成海莫川安民艱於討逆

皇帝宵旰憂勤指授方略頒金轉粟至無算數

命大臣建築撫綏要於莫安諸臣同心協力惟懇

失墜不半載河循正道民多生色比憲宗

討叛功奚啻什伯

臣

係舊史官道揚敷陳

本屬職業作四言詩一章具載

聖天子回天仁民之德名乾隆

聖德詩以昭示臣庶其辭曰

天心忝仁有時行義湯湯洪流帝堯之世堯仁如
天憂勞成治以德挽之轉橫而利

皇帝御極中和調劑大道蕩平民生熙遂十有八
年惟癸酉歲大江南北風物和藹麻麥已收禾黍
成穰億兆喜悅三時不害而胡秋霖連旬陰曠黃
流漲溢奔騰湧沸流入洪澤挾之驚潰齧食金隄
險牯難閉清淮受傷維揚相繼如釜之形波高埤
堦匝月墮昏徐復告沴銅山橫決綿延蕭沛會通
合流茫茫何地木末槁舟樓角激汰漂沒糧粒蕩

汨埋瘞難犬無聲殊方一概偶露高原殘黎交萃
缺衣乏食形同鬼魅誰能見之而不流涕此故天
災亦由人事宣洩失宜捷石少侍聚訟議繁掀掀
拂拂彈力周防曷由顛躓

九重聞災五夜惴惴我民何辜罹此困憊矢救此
方生以肉融先遣大臣乘傳急遞審視上聞莫或
隱避大臣入告圖繪形勢何以治之經久勿壞

皇帝曰都小慧是戒河身宜卑支流毋滯入海為
歸師禹大智大臣入告斯民彫瘵何以活之依然
飽醉

皇帝曰俞母致流離饑者使食寒者使衣露者使
家去者使徠能復舊觀詎行小惠大臣入告籌畫
經費何以輸之斟酌不匱

皇帝曰吁財用勿計粟轉他州巴蜀協濟近地秋
糧截留先逮金錢千萬糜自

大內如水滂施仁澤汪濊大臣承

命衆心奮勵就實去文任勞忘瘁長堤堅築蟻穴
恐敗哀黎拊恤鴻羽恐鎩經之緯之何有掣礙如
活病人神王斯瘥相距六月溫肅頓異舟車駢集
商賈鱗次酒旆招客魚鹽列肆雞則有母牛則有

字語笑嬉遊男婦耆稚吾儕安恬敢忘所自不逢我

皇與魚同逝仁風翔洽千里溥被小臣林居傳聞郵置始訝天行繼欽

聖敷無能展籌問心抱媿願告臣工罷勉克勸以敬事天天心仁愛以勤撫民民風綏艾河伯効靈川祇備位慎終如始夙夜匪懈一德一心勿貳勿怠登茲太平永永年代小臣不文職司紀載作為歌詩用誌保泰

歸愚詩鈔卷四

長洲沈德潛稿士

五言古詩

古風

南山望不極終古煙雲深中有靜者流結廬山之
岑微言自剖析妙理常搜尋寥寥千載下如見軒
虞心

青青百尺松下有千歲苓采之欲相贈為君延修
齡遠道不可致物薄世所輕臨風空佇立歎息此
微誠

昔人重行義今人重祿仕道德一無成屈身取青紫高爵人共欽失己良可恥君子獨不然流行與坎止

君子能善始尤貴善其終勲名一何高峩峩齊華嵩末路不自振蹉跎竟無功小人伺間隙衆口交相訐知止乃不殆懷古欽高風見首不見尾千古稱神龍

南國有遺老志節師伯夷武周本聖人而敢傲晚之薜荔煖吾寒白石飽吾饑時携同志士巖谷采紫芝斯人既淪喪山水無清輝搔首懷古歎清風

有餘思

文章本天成所貴在自然柰何矜小智而日窮雕
鐫言語非不工性情何有焉著述逾百家紛然散
雲煙何如務樸學努力探真詮

鸞鶴翔九天燕雀賀廣廈螻蟻營一穴神龍澤天
下品類萬相殊局量不相假彼誠足矜憐卑鄙何
為者

前有車馬客呵殿道途中車前列旗旒馬後隨刀
弓行人不敢視望塵趨下風途間有耕農容貌如
龐公相遇不迴首行歌曲未終

鳳鳥備文藻高集青梧枝衆人共驚恠見者實已
希鷁鷁得腐鼠笑汝常苦饑引頸望八極何處可
奮飛謀食非所難此志不願違

長松挺層岡幽蘭秀巖穴以此君子心當彼高士
節不求美人采豈願工師伐畢生老根株悠然守
孤潔

鷺鷥共飛飛飛求其巢或則棲杏梁或則棲蓬
茅從此不相見忘為舊時交偶然出銜泥復見古
原上時命苟不同意氣分卑亢卑者歛羽歸亢者
凌風颺對面分秦越觸目起悵悵

尺地能生草寸燭能照人丈夫既富貴柰何利一
身良田連萬頃甲第通青雲骨肉等行路誰念病
與貧所親尚如此功名焉足論

人生如春花開者行當歸更如霜中葉外綺內已
槁君子疾無聞盛名亦忌早隆隆遍京雒中懷未
聞道華寔不相符流譽空美好寄言同門友韜光
以為寶

登高發遐想天地何浩渺白日無時閒過眼疾於
鳥雕琢喪本真少壯忽醜老歸根在虛無名位焉
足寶所以古達人逍遙出塵表

佳人坐高樓高入青雲端手撫龍脣琴攘袖發清
彈按節碧空裏流音采霞間下士處塵埃無由覲
令顏聽曲各言好幽意誰能傳持以寫懷抱豈歎
知音難

擬古詩十五章

陳思王贈友

飛雲隨飄風俄頃千里隔微躬滯東藩良友聚京
邑仰惟覆載寬瑕垢許自責諸君珪玠品天廟薦
瑤席昔佐神武猷今輔聖明德麗藻祇文身建豎
庶經國朽株思抽條况乃松與柏得魚緣設網有

秋在力穡因風將遠懷附此雙飛翮

左記室招隱

靜羽息故林達人返前轍予識隱淪趣同心望朝
列安止占背艮潔清懷井冽草食資蕨薇雲梅依
巖穴麋鹿諧友羣夢寐入冰雪生常姚姒代德盛
罕所聞苟虛皋益贊盍挹由光節望望歸田廬賦
詩羨明哲

陶彭澤飲酒

千念倏起伏片時集今古本無涯世界而胡夢尼
父尼父亦何為志欲變齊魯事權苟不屬皇皇竟

奚補何如遊醉鄉沉冥滅聞觀置身天地初後輩
視堯禹此境到者知此味共誰語

自我歸去來冠帶辭我躬河山或改色松菊仍舊
容故人罕枉駕索居養愚蒙惟有中天月入戶如
過從酌月把尊酒豈惜瓶罍空愛此太古光照我
太古胸

詎有遺世懷嬾慢自成癖禮樂束縛人樂志在山
澤南鄰走相過無煩度阡陌不鄙湏也請問荅惟
稼穡談深共飲酒相與澆胸臆醉醒匪豫謀斟酌
隨所適嗒然與天遊何分主與客

謝康樂遊山

老莊告退餘山水情彌襟
整爾辭簿領懽焉事登臨
攀蘿入翳蔚循磴陟欹欹
後懦戒休息前猛探幽沈
跡絕惑路斷境轉知巖深
陽崖天雞唱陰岫清猿吟
中有辟世人無悶巢居心
忘機履可接欲晤踪難尋
建德聞自昔永嘉到方今
坎艮任流止堅白守規箴
環中良有得行當投華簪

謝宣城登望

出守時序易庶理弛且張
暇日登高城游目周四
疆滌泗認春穀崩劣指陵
陽雲外聚煙火林端出

帆檣稍覩風物改漸喜生民康所嫌文奏勞手版
淹一方何處是京畿一氣遠茫茫鬱矣葵藿衷末
山對曦暘敢言樹杄檟稅鞅還江鄉

何水曹觀梅

忝預鄒枚列蕪城滯此身吹臺雪初霽東閣梅先
春的礫標丰韻孤高抱苦辛一枝塵埃外數點清
溪濱物以冷偏艷情因澹逾真淮南叢桂後誰復
託沉淪

王右丞飯僧

晚歲思繕性方外亦吾徒深山有高僧心清與道

俱昨日訂晨齋今蚤過吾廬便設脫粟飯兼摘園
中蔬既飽念衆生糧粒不預餘散之飼鳥雀亦復
施遊魚感此惻隱性自顧愛物踈日晚送君還悵
望雲山居

孟山人待友

靄靄山景夕歸鳥棲林藪萬籟正寂然月吐斷崖
口置酒携古琴待我山中友夜琴亦已終華月升
高柳之子不我過獨酌盈尊酒

儲太祝田家

蒙密暖林木迎陽設柴門數間黃茆屋佳久成一

村初焉聚鄰舍漸次成婚姻婦女走饁饌農天互
鉏芸草具味偏旨勞力情彌欣勿負天時好免為
媮惰民井稅苟可將多藏復何云

官家免租糧村無吏如虎經年不入城黽勉事農
圃泥濘塗四肢炎月汗流雨何來車馬客軒軒氣
豪舉為憐筋力勤甘食田家苦人生貴適意所樂
在珪組者我京洛遊俄焉作官府

元道州諭舊

灤溪我故鄉遊釣夙所安灤人如弟兄昕夕同盤
桓一別十餘載夢寐懷此樊我今復來過徒侶仍

當年禮恭闕真意為我曾纓轡今我即故我滔蕩
全其天人生重與輕豈在窮達間巢林適蜩鳩
羽勞鵲鷺肯使清溪水照此塵土顏行當掃軌轍
終焉把漁竿

韋左司寄舊

郡齋苦天寒密雪灑深竹念茲山居友抱獨卧空
谷杖策擬過從草堂夜同宿積雪山路平川原斷
樵牧

柳儀曹溪遊

楚南誰共游獨行偶形影風泉屢移聲渴渴瀨滙

千頃路轉開遠林霞明絢平嶺山水羣效靈動定
一心領人愚境因辱機忘慮能省夷居久已安何
須慕鄉井

水亭

澗水合衆派亭隅瀉潺湲水石本無聲相觸偶成
喧清冷契真性靜聽欲忘言因思洗耳翁猶厭瓢
聲煩

晚過龍井菴

衝寒過野塘到寺日將沒齋厨動微煙高松落殘
雪欲共枯禪語相對無言說

龍門

斗峭疑鬼工，分劈兩崖對。中有飛龍形，爪角露奇

恠。路窄攀垂藤，險若蛇倒退。

峽路名

前山急雨過，雷

霆聲在內。遠望已夕陽，雲氣此冥晦。努力陟巔頂，
氣象更什倍。羣峰列眉低，俯見飛鳥背。長嘯青雲
梯，一洗胸次隘。

千尺雪

寒山瀉寒泉，引脉自巖穴。一落千尺強，飛此有聲
雪。出山流尚清，在山性逾潔。老僧寂無言，悟彼廣
長舌。

田家雜興

家計依田疇播種毋敢慢貧賤寡所欲飽腹仰藜
藿但須風雨時滿望在歲晏豐歉鄰里知勤苦一
家慣所期丁男長娶婦禮粗辦子孫世為農吾族
自無患

賣薪不嫌賤買牛不嫌老山野多樸誠平生守直
道子弟善力作無煩藉庸保種藥鉏自携灌畦甕
能抱閒行過古墳墓門半荒草及時須作達豈必
長壽考歸來飲美酒暫令容顏好

村墟起暝色牛羊各來歸田家晚炊罷猶自關柴

靡鄰里夜相過團坐情依依共誇麥苗盛共憂桑
葉稀兒女齊長大所需食與衣地遠人俗淳言語
心無機祇談農家事焉知誰是非

翁老不記年古樹共寒暑次男已頭白長孫早嫁
女閒行看隴頭油油好禾黍中情忽多感歸向兒
孫語有年勿好奢須憶無年苦儉樸人共誚吾意
獨有取

白雲護山村紅葉隱茅屋門前跨板橋戶後羅修
竹牛閑繫道旁磨癢向古木是時秋氣高霜重杭
稻熟老農顏色喜蚤晚食新穀惟苦欠文墨舉動

成鄱俗今年幸有秋送子入里塾

館娃宮

秋氣慘梧宮宮中散歌舞英雄與兒女寂寞俱黃
土高臺歇鳴絃香逕凋蘭杜一聽山寺鐘色相空
千古

琴臺

月出斷崖口人寂山蒼然獨坐盤石頂調琴憶當
年寒松響蕭颯磳水流潺湲髮歸衰絃聲棲鳥驚
不眠

響屨廊

吳王貯越女結構起軒敞白紵舞初停步屨傳
響離宮竟安在蕭條但榛莽空廊照斜月樵叟獨
還往

涵空閣

高閣瞰湖影萬頃吞遙空放眼送去鳥拂袖招天
風層嵐繞座浮隱見如羣龍禹書渺難讀悵望靈
威宮

吳王井

雙井分日月淵涵在山頂寒泉何泠泠曾照宮娥
影山齋灌菜圃時來下修綆千載鑑亡國還思景

陽井

研池

山骨巧斲破一泓貯清泠塔影卧金碧天光倒空
青相傳古研池科斗常從橫醉後欲濡毫堪令風
雨驚

采香徑

美人朝采芳衣裳濕輕露采采携筐歸蜂蝶繞紈
素君王迷不醒香氣濃於霧同時種葛女采葛忘
日暮

翫花池

宮娃種花處餘香散川谷寶靨照芳叢盡日看不
足紅顏逐花落野水餘寒淥白鳥破煙飛時下波
心浴

農夫

農夫非高尚養拙依田廬榆柳覆茅屋綠陰映前
除閒引月下泉灌我畦中蔬葵藿冀一飽意足不
顧餘何須解文翰聊看農家書即此百年內身心
常晏如

分賦古鼎詩三十韻

龍文燭晃朗雲氣霽靈靈對丈室神彩凝高座古鼎

在肅穆儼介珪鄭重埒萬鼎蟠螭足參立貫索耳
雙對無色不駁犖有状恣華蒼藏伏饕餮魂追取
貝顛顛態鬚鬚天馬羣雕尻鼯鼠輩上鏤雷回文下
鑄乾艮卦鼻鄉別俯仰窺軀誌腹背字類鄒嶧碑
銘非考父誠跟肘細分析詰曲空抑噫初疑周虎
彝亦異虞瓦泰比紀甌增價並石鼓稱寂腹儉失
名號口呿詫靈恠康瓠俗情閔玉鉉庸耳聵常然
嚮易熟函牛汁堪噉取郤魯非禮售贗宋竟昧染
指嗤子公覆餗訕元載滋味仗調變法物諒珍愛
器列裡祀時用昭廟堂內正直形不頗靜虛量匪

隘吐景成晶瑩歆雲散埃瑤烹煎明作離灌溉澤
資允實黃流在中席文茵于外左陳伯索孟右置
師儻敦塵劫逾千秋神遊歷三代相對共捫摸襟
坐勤盼睐扶風傳瑰竒彌明謾狡獪博物蒐典籍
琢句慙曹鄴世寶垂億年作歌期保艾

詠史

白起阮趙卒身首亦分離蒙恬制險塞兄弟遭誅
夷王翦滅六國三世禍隨之此曹殉功名斬刈無
不為功名雖偉成天道詎可欺積凶有餘殃古聖
秉良規殺人實自殺推刃復何悲

子房欲報韓椎秦中副車後人共惋惜此見猶拘
墟當日祖龍死神器歸扶蘇劉項雖盛秦未易遽
剪除蒼蒼有深意秦社應榛蕪毋議狙擊者而謂
智術疎

漢兵敗沮水俎上置而翁向非侯公言已入鼎烹
中天子幸有父此實誰之功區區蕭與曹何足比
勲庸置酒未央日柰何忘侯公功大不見酬爵賞
真懜懜嗟哉紀信死歿世無褒封

風林無靜羽急湍多躁鱗漢武用酷吏欲以禁姦
民蒼鷹與乳虎擊斷稱能臣禁姦姦日起草竊畫

夜聞君看龔渤海治民貴拊循盜賊化良善千古
頌深仁

熱官真爛熟既久恐無味二疏昔在漢爵位並師
傅天子加隆禮諸君屢眷注超然黃鵠舉歎息動
行路非祇懼傾覆功成自當去君思飲醇酒半醉
有歡趣君思遊名山半路有餘慕

行路有時渴不飲盜泉水立身有時貧不為亂賊
仕堂堂七尺軀道義足自砥失身取高位爵祿反
為恥出門慎其隨大易著名理何為荀文若屈身
昧知止末路終見疑身死名亦毀緬懷管幼安徵

辟終不起

孫郎年十七霸圖起江東唐宗亦弱齡仗義圖關
中二公洵人豪慷慨還相同一則成帝業一則遭
凶終天苟助伯符併魏除姦兇成敗論古人陋識
殊未公鄙哉孫仲謀降曹拜下風彼亦豚犬流烏
足稱英雄

機雲山川秀讀書平原邨高臺發清響才華吐奇
芬盛名重江左卓犖冠衆羣一從入洛後白雲扃
其門累葉將家子甘受仇邦恩亂世不自戢用兵
慕高勲多才祇自累誰為賦招魂唯有華亭鶴清

噉空山聞

遊南山石壁

石壁插湖口磔裂具萬狀蛟龍拔古湫陰崖闕靈
藏亂挂猢猻藤樵人不敢上湖波齧山足衝激聲
愈壯取徑入巖腹路危藉筇杖放眼眺震澤潏潏
失歸向衝漫與白浮三山名左右列屏障遠峰吐青
螺點點貯盤盞生平山水胸及茲始一放天風吹
衣裳撲面濺寒浪悄然覓歸路沙磧行可傍落日
不逢人林端起樵唱

自米堆山過錢家礪取道至漁洋灣入曇

花菴作

米堆下林麓舉眼納莽蒼上漁洋卧月以遠望平
於掌言經上陽村微徑穿榛莽籬落午雞鳴煙叢
人語響居民傍蘆洲家家業漁網逶迤之漁洋山
坳路紆枉具區覽全勝背面俱潏泱曇花隱蒼翠
行客斷還往枯禪禮佛餘清磬出方丈晤彼靜者
樂頓作遺世想他年擬誅茆聊歎息塵埃

馬家山看梅

昔年夢羅浮曾入梅花邨身墮幽香中冰雪清心
魂今來馬家山小憩依雲根遙村堆冷艷萬樹明

朝暾微微送香氣
浥浥飄清尊
花光接湖影
疑逐煙雲奔
徘徊目成久
心醉欲忘言
何當坐月夜
仰見參橫昏

義瞽

于清端公年譜
中紀其事

羅城距合州相隔數千里
長官赴

王命刻期擔行李
徭民遮道留慟哭
各自歸惟有
一瞽者
日夕相追隨
長官問瞽者
爾來何所求
瞽者語長官
官能知我不合州
最遙遠
有如上天去
官橐無一錢
那能達前路
愚民業賣卦
得錢助長官
長官不我嗔
送官到雙關
從此二月餘
方入合

州城便辭長官去遠道孤身行長官不言清瞽者
不言憊迄今公傳中居然瞽者在

訪倚石菴

雲外聞鐘聲林中尋古寺山花點布袍落葉響芒
屨失路不逢人還依蘿逕去

飛來峰

入眼忽驚怖高峰竅奇特空巖訝玲瓏絕磴歎偏
仄石角利劍形峭壁古鐵色無湏五丁鑿豈仗巨
靈擘恍疑靈鷲峰來從化人國樹木不著土長根
走危石飛泉激山足鍾乳滴巖隙踰溪入空洞側

身探昏黑灣環得古湫神龍此窟宅俯瞰裂坤軸
杳冥不可測陰風襲衣裾毛骨俱悚惕當年西域
僧楊璉真伽佛像肆鐫刻變相逾百千成功祇一昔宋
陵既遭毀名山亦罹厄我欲施鑿鑿鑿平千仞壁
有志竟未能對此空歎息

獨釣

水清魚可數投竿意悠然魚驚釣絲影散處蓮葉
間終日閒我釣靜對溪南山僧來施魚食祝魚避
深淵感此多惻隱罷釣行歌還

古詩二章贈施覺菴考功

鸞鳳儀明庭一鶴翔碧虛雅志慕張邴遺榮賦遂
初築室庶讓間宛然隱者廬歸岫望閒雲縱壑觀
遊魚妙善慮長冥達生理無餘雲卧書寂寞鍵戶
時著書抱膝懷古賢千秋見軒虞

雲煙落几上花竹秀階下有林卧人听夕究風
雅文府盈珪璧宮懸響韶夏晤言坐空亭清風自
瀟灑片語示機理萬物歸陶冶苦心知者希因憐
嗣音寡偃仰林園中慨焉俟來者

事鬼

愚民好事鬼性命託女巫女巫昏夜至披髮當筵

趨神絃奏神鼓吞刀復吐火紙錢窸窣鳴旋風入
窻戶巫言神君來絳纛縣赤狸巫言將軍來髑髏
懸纍纍巫言失人來冠帔紛陸離山魃寒狐輩
臍軀軒車隨澆酒薦血肉滿案堆如山遙見雲霧中
隱隱歆杯盤巫傳衆神命帝君大歡喜報汝殷俎
豐福汝而祐汝豈獨疾病消吉慶更無比女巫饜
錢帛笑語乍出門女巫乍出門剪紙歌招魂

登穹窿絕頂望震澤

三峰疑連鰲力盡上鰲背岌業倚天半仿象登地
肺足蹕目亦眩萬狀露奇恠聳身千仞巔放眼五

湖界驚濤白茫茫吳越勢交匯波間峰疑笠澤畔
洲如芥長空混瀾汗元氣流沆瀣山水浩古今登
陟此一快何當從仙靈采藥出塵外

理秋花

羣族俱有動孤懷豈無營閑居偶植植繁花遶柴
荆人事既已齊雨露方滋榮秋深顏色好時至發
精英開謝亦偶然卉木自忘情忘情同卉木庶以
養吾生

曉經平江路

曉經平江路相遇逃亡民非人復非鬼匍匐泥塗

間老翁拄竹杖老妻相牽攀病婦布裹頭雙足赤
不纏兒女盛竹筐其父擔道邊行李蘆葉席坐卧
無冬春十十與五五鄰里兼姻親問從何方來云
是衢州人比年遭大水田畝連通津秋成乏籽粒
正課不得完天高官長酷已令骨髓乾苟能免征
求豈辭行路難去住總一死寧作他鄉魂聞之黯
然悲此邦亦無年昨者罹水灾部屋少炊煙强梁
肆攫奪禮讓徒云云今歲滋多雨復恐傷平田公
門貴仁恕撲扶豈所先勿使懷鄉民胥倣輕轉遷
此意竟誰陳氣結不能言

讀摩崖碑聯句

徐夢龍友
沈德潛稿士

有客贈古碑變携來湘江澤跋涉路四千潛光芒

字三百道州燦高文變平原壽真跡佶屈婉周詰

潛典麗並鄒嶧瞥眼威鳳騫變驚心瘦蛟蟄榻從

青雲梯潛挂白雪色壁義娥中天明變魑魅四郊

匿真本今古垂潛正氣頑懦激誦讀起恭敬變憑

弔增歎息有唐天寶年潛王綱久淪溺金刀逞奸

回變黃蚪肆燕賊喧闐漁陽鼙潛倉皇馬嵬驛幸

蜀棄宗廟變誓師整兵草成王握中權潛郅相策

羣力風旗卷空翻變雷鼓轟耳疾衝胡紛馬變潛

鴻蒙劃開闢舊物收兩京變中興光四極功勲扇

巍巍潛都邑表翼翼時危亟征討變世亂重社稷

大孝非溫清潛即位豈篡逆扶持神人合變禪受

父子得所惜末路乖潛遺恨慚咎職制腹心良娣

變掣肘腋輔國筆削定功罪潛前後判曲直儒生

闇時勢變議論逞凌轢祇因南內舛潛并刺靈武

逼斷獄失平情變讀史欠卓識碑文祇褒頌潛老

手無倚櫟騰歡驗衆口變至難顯成跡頌云事有

再安萬姓騰歡涪翁以勿以片語疑潛頓起千載

惑他年過浯溪變附詩勒崖石潛